



Ombudsman Kilage

Poto long raithan i soim Mista gnatus Kilage, em i hetman bilong Ombudsman Komisn.

Nau Praim Minista i laikim olgeta ninista bilong em i bihainim strongela lo i tok, ol i mas lusim olgeta wok bisnis bilong ol na mekim wok politik tasol. Ombudsman Komisn bai gat planti wok moa nau long bosim disela lo.

Dispela Komisn i olsem dok i save ukaut gut long haus bilong papa bilong em. Ombudsman Komisn i mas ukaut bai lo i mekim stret tu long ol liklik man i rabis na i no gat pe na i no gat mani. Na narapela samting em i mas lukaut bai ol bikpela man long gavman na pablik sevis i no ken pulim planti mani long olkain strong bilong ol, na tu bai olkain grismani i no ken paulim ol.


Insait long tupela wik i go pinis Ombudsman Komisn i bin pasim rot bilong tripela bikpela man long pablik sevis na i bin kotim ol. Planti pipel i belgut long dispela wok bilong Ombudsman Komisn. Tasol ol bikpela man i no laikim em, long wanem em i olsem bikpela dok i save bikmaus long ol na pretim ol.

Mekim wok ombudsman em i no isi. Ombudsman i karim hevi tasol. Ombudsman i mas pait oltaim long helpim smolpela man, pait long stretim pasin bilong sampela bikpela man. Dispela Komisn ating i gat planti birua. Na ating i gat sampela man i laik rausim em.

Bikos ombudsman komisn i bin painimaut planti samting, na i save pinis long planti samting, wanpela grup lida i bin putim hevi long Mista Somare long wokim dispela nupela lo bilong karmapim ol bikpela lida. Olsem dispela komisn i mekim gut wok bilong em, maski sapos dispela wok i no swit.

Tupela poroman bilong Mista Kilage long wok ombudsman em Mista Andrew Maino na Mista Frank Hedges.

Poto i kam long Opis ov Inpomesen



GAT MOA WOK NAU



OPOSISEN EGENSİM SO LONG AMERIKA

Long mun Julai Ofis ov Infomesen i ting long salim 48 pipel i go long biktaun tru bilong Amerika, em New York, long mekim wampela so olsem ol i bin mekim long London long yia i go pinis.

Mista Martin ToVadek, namba tu lida bilong Oposisen, i bin tokaut egens long dispela bikipela samting. Em i ting gavman i westim tumas mani long en. Em i tok olsem: "Mi ting dispela so bai kostim inap K150,000 samting. Na long Amerika bai wan wan memba bilong dispela grup i mas lusim samting olsem K60 long wan wan de tasol bilong baim rum na kaikai bilong em. Hia long PNG K2 em inap baim rum na kaikai.

"Tasol mi no ken save husat long PNG bai win long dispela bikipela so. Husat bai win? Ol bikbisnis bilong gavman? Ol ausait bisnisman i stap hia long PNG? Ol i laik pulim bikbisnis i kam insait? Dispela bai helpim man nating bilong ples i bin wet longtaim moa long rot na bris na kain samting olsem? Oltaim oltaim dispela liklik man long ples i kisim ol hap pipia kaikai tasol i pundaun long tebol bilong ol dispela bikipela man.

"Oltaim oltaim dispela kain bikipela samting i helpim ol taunman tasol. Ol viles pipel, nogat.

"Long wampela sait, mipela i tok, mipela i no laikim tumas planti ausait bisnis i kam insait long kantri. Na long dispela kain so, mipela i traिम grisim planti ausait bisnisman long kam insait.

"Mipela i no bin kisim wampela ripot yet long dispela bikipela so long London long yia i go pinis. Kantri bilong mipela i bin winim wanem samting long en?

"Mi no save watpo mipela i mas salim bikipela grup ol-

NUPELA SKEL BILONG PE

Stat long namba wan de bilong Mas, dispela hia em i skel bilong nupela pe long ol ples na taun long PNG.

Kain wokman	Namba wan taun	Namba tu taun
	(Alotau, Arawa, Goroka, Kavieng, Kieta, Lae, Madang, Mt. Hagen, Popondetta, Moresby, Rabaul, Wewak.)	(Bulolo, Daru, Kainantu, Kerema, Lorengau, Samarai, Vanimo, Wau, Mendi, Kimbe, Kundiawa.)

Pe bilong wan wan wik:

Aninit long 18 yia	.22.60	.21.05
Wokman nating	.29.71	.24.54
Klas 1	.31.55	.26.44
Klas 2	.33.62	.28.58
Klas 3	.36.26	.31.26
Klas 4	.39.43	.39.43
Klas 5	.42.61	.42.61
Klas 6	.45.78	.45.78

Ausait long ol taun:

Bilong wok fama, pe daunbilo tru long wik:	K10.73
Long arapela kain wok, pe daunbilo tru:	K11.71

sem bilong soim Papua Niugini. Mipela i gat wampela tokman bilong PNG long New York. Em yet na smolpela grup pipel inap long mekim so. Watpo ol i no ken soim olkain muvi long ol samting insait long PNG, na soim sampela mipela i gat long salim, olsem: kopi, ti, kopra, timba, kopa, raba, na kakao? Tasol watpo mipela i mas salim ol manmeri bilong danis na ol man bilong Asaro i putim graun long het bilong ol?"

Poto antap i soim wampela meri long Kimbe. Em i kam long Ray Witlin bilong International Development Association.

wantok

National weekly in Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111

Advertising:
In P.N.G.
Ms. Penny Donald
Phone: 25.2214

In Australia:
Kevin Engel
8 Duraba Pl.
Caringbah (2229)
Phone: 525.6263

Subscription Rate:
Annual: K8.00



DIA MISTA PRAIM MINISTA,

Yu namba wan lida bilong Papua Niugini, na insait long 5-pela yia yu bin autim planti kain aida. Olgeta taim WANTOK i bin putim gut ia. Mipela i no bin tok amamas olgeta taim, long wanem sampela taim mipela i no save gut na mipela i wet tasol i stap.

Tasol las tok bilong yu long palamen long Fraide i go pinis, em i narakain tru. Dispela taim WANTOK i wanbel tru na i tok: Em nau, dispela kain tok mipela i laikim tru tru. Mipela i tok amamas long yu, Mista Praim-Minista, long dispela tokaut.

Taim yu na ol poroman minista bilong yu i bin kisim wok gavman bilong yupela, yupela i bin tok tru antap, yupela i laik helpim ol pipel bilong dispela kantri. I no gat wanpela man i ken bihainim tok bilong tupela bosman wantaim. Yu na ol minista i bin tok tru antap long helpim ol pipel, na i no long helpim wok bisnis bilong yupela, o bilong ol pren bilong yupela, o bilong ol ausaitman.

Plis, Mista Praim Minista, yu no ken lusim dispela gutpela rot. Bai i gat man i laik paulim tingting bilong yu. Bai ol i tok: yu bin putim lo i antap tu tumas; ol pipel i no inap long en. Tasol watpo yumi PNG i no inap? Yumi nupela kantri.

Ol man bilong politik i bin go insait long dispela wok long laik bilong ol yet. Orait. Olsem na ol i mas bihainim lo bilong dispela wok - olsem ol dokta na loman i mas bihainim lo bilong wok bilong ol. Bikos man bilong politik i mas helpim moa pipel olsem dokta, ol pipel i mas askim moa long em. Em i kisim planti; em i mas givim planti.

Sampela arapela pipel bai tokim yu olsem: Sapos gavman i lusim ol smatpela man i laik tromoim wok politik nau na bihainim wok bisnis bilong ol - em i nogut. Bilong wanem nogut? Kantri i lusim wanem samting tru? Wanpela man i tingting tru long ol pipel? O wanpela klewa bisnisman? Tasol ol pipel i no bin votim man i klewa. Ol i bin votim man i stret. Man i stret, em i ken painim planti klewa man i wok insait long ofis bilong em.

Sampela tu bai laik pinisim ol provinsal gavman. Bai ol i tok olsem: pasin bilong wokim planti provins i brukbrukim dispela kantri. Tasol dispela pasin bilong tilimautim pawa long planti man - dispela samting i no bagarapim kantri. Nogat. Samting i brukbrukim tru kantri, em i dispela pasin bilong katim ol grup pipel tuhap. Wanpela hap i gat bikpela man antap i save bosim ol samting. Em i gat planti strongpela bisnis pren insait na ausait long kantri. Em i sanap long wanpela hap. Na long narapela sait i gat bikpela lain manmeri nating i rabis, i no gat pawa, maus bilong ol i pas, na ol i no gat bikpela bisnis pren.

Mista Praim Minista, tok bilong yu i kliia na i sapotim wanpela kantri. Yu egens long ol i katim kantri tuhap. Yu laikim strongpela stretpela lida. Yu laik tilim pawa long ol man nating.

Tok bilong yu i strongpela. Wok bilong bihainim tu i mas strongpela. Larim ol pipel yet i lukim na i skelim - wanem lida i lus tru long helpim ol pipel, na i no wari tumas long mekim ofa long laip bilong en.

Bihainim lida tasol

Long Fraide, 3 Mas, Praim Minista Michael Somare, i bin mekim strongpela tok long ol memba bilong palamen long pinis bilong tu wik kibung bilong ol. Ol i kalap nogut tru long harim Mista Somare i tok stret: "Nau nupela pasin bilong ol lida i mas stat. Ol minista na hetman bilong ol gavman dipatmen i no ken abusim wok bisnis na wok politik wantaim. Sapos ol i laik stap tru insait long gavman, ol i mas pinisim tru bisnis bilong ol. Mi tu mi mas mekim wankain. Gavman i givim ol dispela lida 9-pela mun nau long bihainim dispela nupela lo. Sapos ol i no laik, ol i mas lusim wok politik bilong ol. Em tasol."

Hia mipela i givim toktok Praim Minista i bin autim long ol memba long palamen.

Mista Spika, tude mi laik ol i putim gut ia bilong ol. Mi gat wanpela bikpela toktok tru long mekim long ol.

Mi laik autim tingting bilong mi, long rot yumi mas bihainim long stiaim gut dispela kantri.

Inap long sampela mun nau mi bin lukim sampela pasin i stap insait long nupela gavman bilong mi, na bel bilong mi i nogut long en. Mi ting wanpela samting nogut i bin kam insait long gavman olsem wanpela binatang nogut. Em i laik kaikaim insait bilong yumi, na mekim yumi i abrusim gutpela rot bilong go het.

Mi laik tok stret nau: mi ting planti tumas bikpela lida insait long wok politik na long pablik sevis - i pro-man tumas wantaim ol bikpela bisnisman bilong ol ausait kantri.

Mi lukim olsem na mi pret. Mi pret mipela lida inap pundaun isi tumas na lus long gris mani na win-

mani na smatpela wok bisnis. Na bai mipela i taitim bun long pulimapim poket bilong mipela, na wok liklik tasol long helpim kantri.

Yupela i bin makim mi lida bilong gavman na em i wok bilong mi long stretim dispela wari. Mista Spika. Taim ol pipel i bin votim mipela long yia 1972 na 1977, mipela i bin promisim ol, mipela bai stap gutpela lida. Mipela i bin tokim ol, ol i mas bilip long mipela.

PAWA KAM LONG PIPEL

Mipela i bin promis long ol pipel bai mipela i helpim ol. Mipela i no bin promis bai mipela i helpim ol ausaitman, o helpim mipela yet. Nogat. Mipela ol memba bilong palamen bilong mipela yet mipela i samting nating. Mipela i sindaun hia tude bikos ol pipel i bin votim mipela na makim mipela. Mipela lida i bin kisim pawa long ol pipel tasol. Na mipela i mas ripot bek long ol pipel, mipela i bin yusim dispela pawa olsem wanem.

Dispela Konstitusen mipela i bin raitim long 1975 i tok kliia tru olsem: ol lida na bikman bilong gavman i gat wok long bihainim laik bilong ol pipel, na helpim ol. Mipela i no ken helpim mipela pastaim, na bihain tasol helpim ol pipel. Nogat. Em i no stret.

Inap nau mipela i bin mekim gutpela wok na ol pipel i bin votim pati na gavman bilong mipela gen, bikos ol i ting mipela i bin mekim gut. Nogut nau mipela i kirap trikim ol pipel.

GRIS BILONG BIKBISNIS

Mi lukim pasin bilong i go long pes 6

Dispela poto i soim Praim Minista i putim as long graun na i sindaun toktok wantaim ol man bilong ples But long Is Sepik.

Dispela poto i kam long Albert Singer Kupiaw, em wanpela man i wok long "Is Sepik Nius," em i namba wan niuspepa bilong wanpela provins stret.





TAMBU LONG STORI TUMBUNA

Dia Herman Wapi - Yu bilong Parina Viles, yu ting yu moa yet long putim olkain stori? Sori mi no save long yu. Na tu yu bilong wanem Pisin tru. Sapos yu bilong narapela Pisin. Yu no ken raitim stori bilong narapela Pisin. Tambu tru.

Na tu ol papa bilong yumitupela ol i no gat haus tambaran bai yu ken putim dispela stori i go insait na bambai mipela i ken harim long yu? Sori, long hia long long ples bilong yu, yu save yu no inap long tokim tumbuna bilong narapela pisin i go aut. Tambu tru.

So, mi harim stori bilong kokonas tri long Redio Wewak long 2/2/78. Na mi no ting i gutpela long yu.

Mi bilong Torembe Viles. Sapos yu gat wari olsem yu laik putim moa stori bilong Is Sepik. Yu kam tasol long ples bilong yu, orait mekim samting olsem yu gat save pinis.

Nogut yu raitim na bai ol ples i no save long stori, bambai yau bilong ol i pen long harim dispela stori. Na ol i laikim musik o gutpela nius bilong Papua Niugini. Em tasol toksave bilong mi long yu.

Augustine Saun,
Torembe/Is Sepik.

PAMUK SIOS

Dia Edita - Mi laik autim liklik wari bilong mi. Wari bilong mi i go olsem. Yes wanpela samting mi lukim long ai bilong mi na em i no stret tru.

Long wanpela sios i stap long Madang taun klostu long Tatabran long Madang. Dispela sios grup ol i save mekim olsem taim bilong lotu ol i sindaun gut na harim toktok bilong buk baibel. Na tu ol i kam long Madang maket na

lotu, na ol i save tok olsem: mi stretpela man, mi stretpela meri tru. Mi save bilip tru long Jisas. Na mi tok tru long yu ol i save tok olsem.

Na mi save lukim ol tasol bihain ol i save tok gris wantaim plisman na doktaboi na wokman bilong kampani. Na ol save tok gris wantaim ol. Na mi save tingting planti, long ol olsem. Wanpela pamuk sios o olsem wanem mi save tingting olsem na mi askim yupela.

Na yu husat yu lukim ol na tingting planti olsem mi, orait, join wantaim mi na sapos yu no bin lukim dispela, orait rait i go long Wantok na mi ken lukim.

Em tasol wari na tingting bilong mi.

Jimmy Makarutana,
Madang.

Salim ol pas
i kam long:
WANTOK
BOX 1982
BOROKO

RONG BILONG PLISMAN

Dia Edita - Nau mi laik autim liklik wari bilong mi long dispela pas. Dispela em i namba wan taim bilong mi long rait i kam.

Wari bilong mi i go olsem. Las yia mi i go lip long ples na mi bin lukim tupela plisman bilong liklik plis saiden long Anditale insait long Wabag i bin wokim olsem.

Taim tupela ov duti tupela save go raun long ol ples kanaka long painim blak maket long dring bia. Taim tupela pinisim mani bilong tupela, tupela save askim mani long ol kanaka bilong baim bia. Long dispela taim tupela stat poromanim ol viles pipel.

Na Bihain ol poroman bilong tupela i painim trabel na i go long plis stesin

tupela save salim poroman bilong ol i go bek na jasim nating ol man o meri tupela i no save long ol. Na sampela taim mi bin lukim tupela spak long taim bilong wok na putim nating ol man o meri long sel na neks de tupela salim ol i go bek long wanem ol i no gat rong.

Tupela i no gat ofisa o saiden long bosim tupela na hambak tumas long wanem dispela kiap i wok long Anditale em i wantok bilong tupela. Yumi olgeta save harim long redio na tu lukim long niuspepa olsem gavman i tambu tru long salim blak maket na tupela longlong plisman ya bilong Simbu wok long Anditale i wok long soim, ol pipel long salim blak maket na tu bagarapim ol pipel na i no i stret.

Yes tupela plisman bilong Simbu i wok long Anditale, sapos yutupela i no laik wokim gut wok bilong gavman, orait traim long risain long plis fos na i go bek long Simbu na lukautim pik bilong papamama bilong yutupela.

Nogut yutupela i stap nating na pinisim mani bilong gavman.

Na tu mi laikim bos bilong ol plisman i stap long Wabag het kota mas lukluk long dispela.

Em tasol wari bilong mi na sapos husat man o meri i ting em i no stret, orait, rait tasol i go long Wantok na bai mi ken lukim.

Tiakamanda Patage,
Panguna/N.S.P.

ASKIM TASOL

Mi bin lukim wanpela pasin long Moresby olsem: I gat planti ples bilong pasin pamuk. Long moning 8 klok i go inap 5 klok apinun. Ol i pulim mani long pasin pamuk. Ol i kisim mani long wan wan man em K2 kina K2 kina. Long wanpela de ol i kisim K50 kina na K100 kina.

Dispela ol i no singel meri. Nogat. Em ol marit meri. Em man bilong ol i salim ol i go pamuk na kisim mani. Man i was long meri na meri i pulim mani.

Em ol i no haiden meri, nogat. Ol kristen meri i mekim olsem. Na mi lukim wanpela baibel ves long Rom. 7 ves 3, em i tok olsem: Man i stap laip yet na meri i kisim narapela man em i bagarapim marit.

Na man bilong em yet i salim meri long man na kisim mani, em i bagarapim marit o nogat? Long wanem man bilong em yet i salim meri na meri tu i bel na mi askim yupela. Mi lukim planti ol mekim long Moresby taun na mi askim. Em tasol. Tenkyu.

Wike Sinai,
Port Moresby.

NO LAIKIM EDVETAIS LONG REDIO

Dia Edita - Hia em i namba wan taim bilong mi long rait i kam long Edia. Tingting bilong mi i go ol-

sem long wari bilong brata hia John Patina, em i tok long senisim ol liklik olkain samting olsem Omo, Pk, Bisket na ol narapela ol kain kain samting i kamap long redio stesin long Port Moresby, long taim bilong rikwes.

Yes mi tu mi ting olsem long wari bilong brata hia. Taim bilong rikwes em i taim bilong rikwes stret. Maski long edvetaisim ol kain kain samting olsem long taim bilong rikwes, na i no mi na brata hia tasol i gat dispela kain tingting, nogat. Planti ol man na meri tu hia long Papua Niugini ol i gat dispela kain tingting na wari long dispela kain pasin.

Olsem na mi sapotim tingting na wari bilong brata hia John Patina sapos yu husat man o meri i gat narapela tingting, orait, rait tasol i kam long Edita long putim aut.

Jacob J. Lokorai,
Arawa/N.S.P.

TOK PISIN SKUL

Dia Edita - Mi laik helpim tingting bilong wantok hia Goraone Dawaiwo. Em tisa bilong tok pisin. Mi wanpela wokboi bilong C.W.S. long Kimbe.

Yu husat lida o ofisa o minista bilong gavman na tu minista bilong edukesen, yu mas tingting na klia long dispela tok. Yu mas save olsem, tok inglis em min tok ples bilong ol waitman. Na tok pisin em i min tok ples bilong yumi Papua Niugini. Na tru em i autim dispela tok long yumi.

Sapos yu go long viles o liklik ples, mi ting yu no inap toktok i go long inglis long toktok wantaim ol pipel long ples. Yupela i save paul long komyuniti skul. Na lusim tingting long pisin skul. Na mi tu pilim na i no stret long dispela pasin. Long wanem? Pisin skul i planti long Isten Hailans Provins. Olsem na mipela wari.

Jerry Nedengke,
Kimbe/W.N.B.P.

BONEO PIKSA P.O. Box 217, Finschhafen

Boneo Piksa em i nambawan ples bilong yupela ken salim ol blak/wait film wantaim ol kala film i kam.

Boneo Piksa bai developim na prinim ol piksa na salim i go bek long yupela wantaim wanpela nupela fri film.

Sapos yu no gat kamera, yu ken baim wanpela long Boneo Piksa. Pe bilong en i no bikpela.

Sapos yu laik save moa long dispela wok, orait, salim pas i kam long:

Boneo Piksa, P.O. Box 217, Finschhafen.

EDITA, YU TING YU HUSAT?

Long "Post Courier" niuspepa long Mande, 27 Februari, ol i bin autim tingting bilong het edita, Mista R. MacDonald, long lo na konstitusen bilong Papua Niugini. I luk olsem em i tok bilas long tupela.

Olsem na eksekutiv komiti bilong Melanesian Kaunsil Bilong Ol Sios, long namba 2 de bilong Mas, i bin raitim wanpela pas i go long Mista MacDonald na i tokim em olsem:-

Mipela i kirap nogut na mipela i bel nogut long sampela tingting na tok bilong yu, Mista MacDonald, taim yu sambai long helpim Mista Bryan Grey bilong Air Niugini, taim em i kot long Ombudsman Komisin.

Yu bin rait olsem: "Lo em i donki". Em i min long tok pisin: "Lo em i stupit". Na yu tok tu: "Konstitusen tu i stupit." Na yu rait moa olsem: "Mista Grey i bin brukim liklik lo nating." Bihain gen yu tok: "Kotim man long liklik samting olsem i longlong, long wanem em i lo nating."

Mista MacDonald, mipela eksekutiv komiti bilong Melanesian Kaunsil Bilong Ol Sios, mipela i no laikim tru dispela ol tok bilong yu. Tok bilong yu i nogutim Konstitusen bilong mipela na i tok bilas long Ombudsman Komisin i gat wok long lukaut bai ol lida i bihainim stretpela rot. Olgeta tok bilong yu i olsem tok bilas long dispela tupela samting.

Lo i tok, niuspepa i tambu long skelim man o rong bilong em bipo kot yet i bin skelim em. Yu yet yu inap kot nau long dispela samting, long wanem long ai bilong lo, yu tok bilas long kot.

Mista MacDonald, yu no bilong Papua Niugini, yu ausaitman. Yu pasindia long dispela kantri. Olsem mobeta yu bihainim lo bilong em. Na pasin yu bin mekim long autim tingting bilong yu i go long planti pipel i save ritim niuspepa bilong yu, em i no liklik nating. Nogat. Em i bikpela samting.

Olsem long nem bilong olgeta Kristen pipel bilong dispela kantri, mipela i tok egens long tingting na pasin bilong yu na mipela i bel nogut long lukim yu tok bilas long Konstitusen na Ombudsman Komisin bilong mipela.



Poto i soim Gavana-Jeneral bilong Papua Niugini, Sir Tore Lokoloko, wantaim Ledi Lokoloko i lukluk raun long pasis bilong Sydney. Gavana Jeneral bilong Australia, Sir Zelman Cowen, i bin singautim tupela. Nau tupela i raun long olgeta bikpela taun bilong Australia. Poto i bilong Ian Mitchell bilong Australian Information Service.

TULTUL TITAN

Titan (NG) Pty Ltd. P.O. Box 25 Lae Ph 423988, 423497

SAPOS YU NO LAIKIM WANKAIN TRABEL OLSEM MAMA YA, ORAIT, YUSIM TITAN GALVANES WAIA NETING O BANIS NA DOK I NO INAP KAIKAIM OL KAKARUK BILONG YU.

NO KEN ABUSIM POLITIK WANTAIM BISNIS

i kam long pes 3

planti lida long gavman na pablik sevis tude na mi kirap nogut. Ol i popaia long rot. Yumi save pinis, planti lida tumas tude i insait moa na moa long bikbisnis bilong ol ausait kantri. Planti kantri i bin pundaun pinis bikos mani bilong bikbisnis i bin grisim na baim ol man bilong politik. Na dispela kain samting i laik stat hia nau.

Long planti bikpela kantri ol ausait bisnis i mas baim gut ol man bilong politik bilong larim ol i kam wok insait long kantri. Olsem tasol ol i paulim na pasim tingting bilong ol lida bilong wok politik, na ol i kirap trikim pipel bilong ol.

Long planti kantri, wok politik em i doti samting. Long dispela kantri wok politik i no gat dispela kain nem nogut. Na mi no laik bai em i kisim. Olsem long tingting bilong mi, mipela i mas stretim rot bilong mipela nau tasol. Em i stat long baut baut nabaut.

Mi tok stret: ol poroman minista na poroman memba bilong palamen, mipela i mas stapim dispela pasin bilong larim planti ausait bisnis tumas i bosim mipela na laip na kantri bilong mipela.

BIHAINIM LIDA

Em i strongpela bilip na tingting bilong mi. Sapos yu no sapotim dispela tingting bilong mi, yu no sapotim mi olgeta. Sapos yu no sapotim dispela tingting bilong yu, yu no sapotim go het bilong dispela kantri. Na sapos yu mekim olsem, yu no inap long dispela bilip ol votman i gat long yu. Olsem yu mas bihainim mi nau - na bihainim tru. Sapos nogat, mi pinis olsem lida. Mi pinis olsem tokman bilong ol pipel.

Mista Spika, mi no tok ol tok ol man bilong politik i save mekim wok bisnis wantaim, i laik mekim rong. Nogat. Tasol mi save pinis, sapos wanpela minista o lida i ranim bikpela

bisnis insait long taun, em i no save tingting long helpim ol man ausait long taun. Em i laik helpim taun tasol.

Na sapos sampela bikpela ausait kampani i salim olkain samting olsem presen nating long dispela man bilong politik, em i no presen nating. Em i gris. Na bihain ol i laik em i bekim. Ol i save pinis, dispela man i gat bikpela strong insait long gavman. Ol i laik hukim em.

NUPELA LO

Mista Spika, nau tasol mi laik kirapim tripela nupela pasin. Namba wan i go olsem: Olgeta nesanel lida i tambu long ranim bisnis wantaim wok politik bilong em. Em i mas pinis olsem bisnisman long dispela taim em i wok insait long gavman.

Hia mia min ol minista, ol hetman bilong ol dipatmen bilong gavman na ol hetman bilong ol bisnis gavman i save ranim - ol

sem NBC na Air Niugini na Elcom na P en T. Mi ting tu dispela lo i mas karamapim ol primia bilong ol provins na ol provinsal seketeri tu. Em i min, mi tok hia long samting olsem 100 bikpela lida bilong dispela kantri. Ol arapela man bilong politik na memba bilong palamen i stap yet aninit long lo bilong ol lida na aninit long ombudsman komisn tasol i no karamap long dispela nupela lo.

LO NAMBA WAN

Orait, namba wan bikpela lo i karamapim ol bikpela em hia: insait long 3 mun ol i mas tokaut klia: ol i laik holim wok politik na lusim wok bisnis o nogat. Sapos ol i laik holim wok politik yet, orait, insait long narapela 6-pela mun ol i mas salim ol bisnis bilong ol, na ol sea insait long bisnis.

Ol i no ken salim long meri o pikinini o famili. Sapos ol i laik, ol i ken salim dispela bisnis o sea

long wanpela beng na em i ken ranim long nem bilong gavman. Ol i ken putim dispela mani insait long invesmen koporesen na em i ken winim mani long en. Em i orait.

Ol nesanel lida i ken holim tupela haus tasol: wanpela long taun na wanpela long ples o hap em i makim.


LO I NO SWIT

Mista Spika, mi save pinis, dispela kain lo i no swit na i hatpela. Na i pasim rot bilong wanpela grup nesanel lida long mekim planti profitmani taim ol i wok long gavman. Nau ol memba nating i ken winim ol long bisnis.

Mi save, mi askim samting i no isi. Nau wan wan lida i mas tokaut stret, em i laik stap insait long dispela spesel lain lida, o nogat. Na sapos man i strong na i laik stap spesel lida olsem, bai mi lukaut gavman i mas apim pe bilong em antap moa.

i go long pes 7

Maxell i nem yu ken bilipim. Baim em tasol.



YU KEN BAIM LONG OL DISPELA HAGEMAYER STUA


P.O. Box 673, MADANG
PHONE: 822445

P.O. Box 1428, BOROKO
PHONE: 256144

P.O. Box 90, LAE
PHONE: 423200

P.O. Box 63, RABAU
PHONE: 922633

P.O. Box 11, MT. HAGEN
PHONE: 52 1339



Somare toktok moa

ol. Mi no laikim ol politikal pati i ranim bisnis bilong ol bilong winim mani. Mi no laik ol i kisim presen long ol bikpela bisnisman bilong hia na bilong ol ausait kantri.

Mi save pinis ol politikal pati i mas gat mani bilong ranim wok bilong ol. Tasol mi wari long ol i ranim wok bisnis, long wanem ol bai laik helpim dispela bisnis bilong ol tu. Olsem mi laik traim wokim wanpela lo i tok gavman i ken helpim ol politikal pati.

LO NAMBA TRI

Namba tri tingting bilong mi, em i as tru bilong ol dispela trabel nau i laik bagarapim kantri bilong yumi. Em hia: mi pilim ol ausait bisnis kampani na bisnisman i kamap strong tumas nau insait long dispela kantri. Dispela i egens long as tingting bilong 8 poin pien bilong yumi. Em i tok moa na moa lokal pipel i mas bosim bisnis bilong dispela kantri.

Dispela i no min, mipela i mas rausim ol ausait bis-

nis. Nogat. Inap longtaim yet, mipela i mas yusim ausait bisnis. Tasol bikpela askim em hia: dispela ausait bisnis i helpim husat tru? Kantri? O wan wan man?

Mista Spika, mi wet mi skul pinis long laip bilong mi, hamas kain samting i save pulim na grisim ol lida. Olsem na mi save, em i no isi long yumi ol bikpela lida long stap stret. Tasol mi bin mekim dispela nupela tingting na nau mi inap sanap stret na lukim stret rot mi mas bihainim, na ol liklik han rot i no ken pulim mi. Na mi pilim tu, sapos gavman i bihainim dispela kain rot, em i ken sanap strong na stret, na i no mas sem long wanpela samting.

KAIN KAIN ROT

Mista Spika, nau tasol, tude, yumi olgeta i sanap long maus bilong kain kain rot. Inap nau yumi bin bihainim gutpela rot. Sapos yumi stap long en na bihainim, bai yumi putim lek bilong ol tumbuna

pikini bilong yumi long gutpela rot tu. Tasol sapos yumi bihainim rot nogut, sori, bai yumi paulim laip bilong ol inap longtaim.

Mista Spika, olsem praim minista bilong dispela kantri tude, mi save pinis mi mas mekim wanem samting long laip bilong mi. Mi no ken tubel; mi mas wanbel. Mi mas mekim wok politik. Na pinis long wok bisnis. Em tasol. I no gat narapela rot. Mi

bin stretim tingting pinis wantaim bel bilong mi yet long dispela samting.

Tasol ating sampela poroman minista bilong mi i mas tingting planti long dispela samting yet. Mi bilip na mi pilim, ol inap tu long bihainim dispela stretpela rot. Mi pilim strong moa, ol dispela lida bai sapotim tok na tingting bilong mi. Mi wetim ol nau.

Em tasol. Tenkyu, Mista Spika.



um long pes 6

mi bisnisman na lo i no isi tu long ing bai planti poronista na lida i kros nau, long wanem mekim dispela nu. Tasol maski, mi i mas mekim disnting, long wanem et na yumi no ken a.

a ol memba nating palamen, dispela lo mapim yupela. Nopela i ken ranim ol ilong yupela olsem

MBA TU

a tu tingting bilong long ol politikal fi laikim wanpela lo tu i karamapim

Strong Tru.



HUSKY DYNNA

Niupela trak bilong Toyota i save wok hat tru. Yu laik karim kago o pasindia – long biktaun o rot nogut long bus – dispela trak em inap.

TOYOTA

BRANCHES AT: PORT MORESBY 25 4088 LAE 42 2322 MT. HAGEN 52 1888

ELA MOTORS LIMITED

MADANG 82 2188 RABAU 92 1988 KIETA 95 6083 WEWAK 86 2255

GSP ET 013P



Poto antap i soim sampela pik bilong ol fama. Na daunbilo ol i skul long wok wantaim bafalo. Ol inap brukim graun long gaden. Poto namel i soim ol i klinim ol mung bin. Ol sumatin i laikim ol tru na i i isi long kuk na i swit.

Krismas holide i pinis na nau i bisi tru long Heldsbach. Samting olsem 150 boi wantaim gel ol i kamap pinis long skul long Heldsbach.

Heldsbach i stap we? Na dispela em i wanem kain skul? Heldsbach i stap hait liklik long nambis bilong Finschhafen na skul long Heldsbach nem bilong em: LUTERAN SIOS WOKMAN TRENING SKUL.

Bipo tru skul i kamap long Heldsbach, i no long-taim bihain long namba wan misineri i statim wok long Finschhafen long yia 1886. Kaikai bilong dispela skul i kamap bikpela tru. Planti tausen manmeri na pikinini long nambis na long bikbus ol i kisim save pinis long rit rait na ol kamap Kristen long hatwok bilong ol tisa na ol invenjelis. Ol dispela tisa na invenselis ol i bin kisim trening long Heldsbach.

Planti lida bilong yumi long gavman na long sios na long wok bisnis ol i bin kisim fes save insait long liklik tok ples skul long ples bilong ol. Bihain long dispela ol i bin i stap long Inglis skul na kisim bikpela save moa.

Long 1956 Gavman i kamapim wanpela long-

long lo olsem: I no inap moa wanpela Tok ples skul i stap pinis, tasol olgeta skul i mas wok long tok Inglis tasol. Long dispela kranki tingting bilong Gavman, planti tok ples skul i dai pinis. Tasol tu planti i stap na i wok hait. Long 1964 Gavman i senisim tingting gen na ol i tok orait long ol tok ples skul i ken op gen.

Gavman i tok orait na kwiktaim trening long Heldsbach i kirap gen. Na nau mipela i gat wanpela bikpela trening tru long Heldsbach. Yumi olgeta i save wari tumas long ol sumatin ol i lusim standet 6 o fom 2 o 3 na ol i wok long painim wok. Ol i no stap gut long ples. Ol i kisim bikpela save pinis tasol, dispela save i no inap helpim ol long kamapim gutpela laip long ples.

Mipela long Heldsbach i opim pinis wanpela rot bilong sampela skul liva i ken kisim gutpela save bilong kirapim ples. I gat 4-pela kos nau long Heldsbach. Wanpela kos em Tisa Trening. Insait long Morobe provins i gat bikpela singaut yet i stap long Tok ples tisa. Olsem na mipela i gat trening long dispela wok. Ol papamama long ples ol i mas lukautim



NING SKUL


tisa bilong ol, olsem givim pe long em, wokim haus na helpim em long wok gaden.

Narapela kos em Yangpela Didiman Kos. Planti yangpela man i laikim dispela kos na ol i kisim gutpela save tru long lukautim pik na kakaruk, kamapim kain kain nupela kumu, lainim wok wantaim wara bafalo na planti samting moa.

Narapela Kos em i Pri-Semineri Kos na narapela Rilisen Instraksen Kos. Husat i pinisim dispela las kos em i ken mekim wok Baibel long ol Komyuniti skul.

Taim mipela singautim ol mupela yangpela man na meri long i kam long Heldsbach mipela kisim moa long 200 eplikesen. Dispela namba i winim mipela tru. Mipela inap kisim 60 tasol. Ol i baim skul fi inap long K25.00.

Na laip i no isi. Nogat tru. Hatpela laip tru. Namba wan belo i krai long 5.30 na skul i stat long 6:45. Na long belo bek i go inap long 5 klok apinun ol i wok hat long gaden. I no gat planti taim bilong malolo. Long ten klok nait



las belo i krai, tasol planti sumatin ol i slip pinis. Ol i tait tru long hatpela wok ol i bin mekim long san.

Mipela i gat kain kain projek, olsem didiman projek, tupela stua, wanpela stua bilong wasim piksa (Boneo Piksa) na wanpela projek bilong pulim pis. Dispela olgeta projek i save

pulim planti mani liklik na dispela mani i helpim mipela long ranim gut skul. Tu mipela save kisim sampela mani i kam long ovasis long ol brata sios.

Mipela amamas long skul bilong mipela. Mipela laik bihainim maus bilong Gavman na lainim ol yangpela long ol i mas inap long lukautim ol yet. Na

ol i mas sindaun gut long graun bilong ol yet na mekim ples bilong ol i kamap gut. Sapos yu laik kisim save moa long dispela skul long Heldsbach yu ken raitim pas long mipela. Adres:

Luteran Sios Wokman
Trening Skul
P.O. Box 217
FINSCHHAFEN.

Poto antap i soim sampela yangpela didiman i bin kisim setifiket long yia 1977. Na poto daunbilo i soim ol i groim sampela kabis ol i bin kisim long Saina yet na Taiwan.

Ol poto hia i bilong Boneo Piksa. Lukim pes 4 long tok save bilong ol.




Man, wasket bilong yu
i wel tru, ya

Tru tumas. Em dispela
kaparesa Gillette i bin
mekim olsem



GILLETTE BLUE BLADE



I no gat wampela kaparesa inap long winim dispela i gat nem Gillette Blue Blade.

Yu ken sev planti planti taim moa long en. Na em i rausim mausgras i go olgeta, na wasket bilong yu i lait moa. Em nau. Yu go baim sampela long stua. Yu traim.

DISPELA KAPARESA I GO, I GO I GOOOOOOOO NA I NO LUSIM SAP BILONG EM KWIKTAIM. I OLSEM TASOL.

**SHAVE AFTER SHAVE
AFTER SHAVE**

d
m
m
lc
m
pe
pi
pe
er
w

bi
i
ge
bi
bi
-
L
-
m
pa
ni

HAMAIJA

waswas wari

Katekis Hamaija i statim namba wan skul long ples Yessan long 1933 samting. Em i mekim olsem dispela stori i tok. Poto i soim wanpela skul bilong dispela taim bipo tru.

SKUL I STAT

Namba tu taim Hamaija i no moa pret olsem pes nait. Tulait, em i stat wok. Namba wan em i askim tultul i bungim ol yangpela man na manki. Ol i kam pinis nau em i askim tultul long tanim tok bilong em, bambai ol yangpela man na manki i harim. Em i tokim ol olsem: Mi kam long ples bilong yupela, mi laik sindaun namel long yupela na mekim skul. Mi laik givim yupela wanpela tok i gut tumas. Em tok bilong bikpela man i papa bilong olgeta man em mipela i kolim em Got!

Hamaija i kisim buk bilong em na em i stat long raitim nem bilong ol yangpela man na manki. "Ol i namba wan lain sumatin bilong mi," em i ting olsem. Tru, a? Ol lapun man i lukim pepa, na pensil i ran long pepa, ol i pret nogut. Ol lapun i ting: "Dispela yangpela man em boi tasol bilong ol waitman. Ol i kam insait long bus, bihainim rot bilong mipela olsem dok i bihainim rot bilong welpik. Ol waitman hia ol i kam bilong painim boi. Na

Hamaija i kam pas stretim rot bilong ol."

BAIM BOI

Ol man insait long bus ol hetim tru dispela ol waitman i kam bilong baim boi, na sutim ol i go wok long painim gol na wok long stesin bilong ol waitman. Ol lapun bilong ples bel bilong ol i kirap nogut long Hamaija. Na longtaim liklik na ol i bel isi gen, tasol i no bel isi olgeta. Ol i pasim ai bilong ol long olgeta samting Hamaija i mekim. Sapos sampela manki i go klostu long Hamaija na i laik pren, papamama i kam kwiktait pulim ol i go bek o tokim ol. "Yupela lukaut, nogut em i kalabusim yupela na karim yupela i go long waitman."

Tasol Hamaija i no surik. Nogat. Em i laik go het wantaim wok bilong em. Em i tokim ol olsem: "Mi no boi bilong kampani masta. Nogat."

SKUL BILONG BIPO

Na long ol yangpela man na manki na em i tok: "Goan mipela mas wokim haus skul." Na em i tilim wok long wanpela wanpela. Ol bikpela na strongpela man i mas katim pos bilong haus na diwai. Ol liklik manki i mas samapim morota. "Dispela haus hia," em i tokim ol. "em



haus bilong yupela stret, mobeta yupela mekim em i sanap gut na strong na nais."

Tultul na ol hetman i tanim dispela tok. Em i wanpela tok tasol ol i harim long olgeta de long moningtaim long bigin bilong wok.

Hamaija i kwik tru long lainim narapela tok ples. Pastaim em i tok long tromoim han o makim samting long pinga. Tasol bihain sampela de i go pinis, nau em yusim tok ples bilong ol. Na olgeta tok em i mekim em i olsem sen o hap bilong sen i pasim em long pipel na bringim pipel klostu long en. Olsem i no longtaim na Hamaija i tok olsem long tingting bilong em, liklik taim, nau, wok bilong mi i kirap gut na strong.

Tasol kalapa, samting i kamap i laik bagarapim olgeta wok bilong em. Pasin bilong ol man bilong Niugini, ol i mas mekim waswas tru wantaim long de. Hamaija tu olsem. Tasol em i pret na em i no laik go daun long Sepik na waswas. Tripela de i go pinis na em i tok. "Olabo, mi skin tuhat tumas na smel nogut. Tude mi mas go waswas. Maski long ol. Tru, ai bilong ol oltaim i bihainim mi. Na mi i no, inap hait long ol, nogat tru."

WASWAS WARI

Hamaija i save long lo bilong ol pipel bilong em. Sapos em i go daun long riva na waswas na em i lukim wanpela meri i waswas i stap, em i nogut tru, inap long kirapim trabel. Olsem em i wet, i no go daun. Em i wet wanpela de, tupela de. Tasol long namba tri de em i tok, "Maski, mi go waswas nau." Tarangu trabel hia em i laik abrusim, em i painim stret. Em i go daun long riva na i kam klostu liklik, nau em i lukim sampela meri i waswas i stap. Wantu em i tanim bek na ran i go long haus kiap. Tasol wanpela meri i lukim em pinis na em i krai singaut strong tumas. Na ol arapela meri i bung wantaim em long kirapim bikpela strongpela krai moa yet.

Ol manmeri bilong viles i harim na kwiktait ol i ron i kam. Olaman, bikpela nois moa na bikpela trabel

moa i laik kamap. Ol manmeri i toktok nambaut. Olgeta wantaim ol i sutim tok long Hamaija. Ol i tok em i laik mekim trabel long ol meri hia i waswas. Hamaija i no gat rong. Nogat tru. Tasol em i no inap kliaim dispela trabel. Tultul i kam tu olsem Hamaija na i wok long askim em.

Tultul i tok: "Yupela harim tok. Dispela man, Hamaija hia, em i no laik mekim trabel. Nogat tru. Em i laik go waswas tasol, long wanem tripela de em i no go long riva na waswas, long wanem em i pret, nogut em i painim sampela meri i stap i waswas na em i gat trabel. Olsem na em i wet tripela de. Tasol nau em i dai tru long waswas, em i lukim ol meri i waswas i stap, na wantu em i tanim i go bek long haus kiap, em tasol." Em gutpela tok hetman i mekim na ol bikpela man bilong viles i tok: "em i tru tasol, tok indai."

Bihain, Hamaija i givim mi dispela stori na em i tok olsem: "Taim ol man i bung na banisim mi na singaut strong moa yet na tromoim olkain tok nogut long pes bilong mi, mi ting long Jisas. Long wanem long em tu, ol man i sutim olkain tok nogut, olkain tok gaman. Na mi ting olsem: Jisas i save i no gat rong, olsem na mi no pret. Mi no guria long ai bilong ol man hia i holim spia."

Haus skul i pinis na haus

i go long pes 14

BAIM WANTOK

Sapos yu laik kisim WANTOK niuspepa i kam long yu stret olgeta wan wan wik bilong dispela yia, yu katim dispela tiket long sisis na salim i kam wantaim K8.00.

NEM BILONG YU:.....
ADRES BILONG YU:.....

Salim sek o mani oda inap long K8.00 wantaim dispela tiket i kam long:

**WANTOK
BOX 1982
BOROKO**

Sapos yu bilong wanpela skul o misin o grup na yu laik kisim moa olsem 10-pela WANTOK wantaim long olgeta wan wan wik, orait yu rait na askim mipela long spesel prais mipela i gat long man i baim planti WANTOK olsem.



WES IRIAN ASKIM NIUS

Dia Edita - Wantaim dispela pas bipo mi laik tokim aut aidia bilong mi. Mi ting yu save nem bilong mi pastaim em olsem: Nixon Kaviar, Krismas em 18, orait em nem na krismas bilong mi yet olsem.

Mi laik save long progres developmen olgeta kantri bilong Papua Niugini. Olsem sapos yu no wari mi askim. Yu salim i kam long mi, megesin, Nius Bilong Yumi o Wantok niuspepa wantaim ha infomesen bilong kisim megesin hia.

Tasol ating yu ken tok orait long mi long i ken baim megesin, Nius Bilong Yumi o Wantok niuspepa.

Orait mipela tenkyu long yu long ofis na Got i blesim yumi olgeta.

Nixon Kaviar,
Jayapura/Wes Irian.

LAIKIM PENPREN

Dia Edita - Mipela ol dispela lain meri i laikim ol penpren long olgeta hap bilong Papua Niugini.

Em hia nem na adres bilong mipela:

Mis Francisca Ekia (15),
Mis Christina Lakus (17),
Mis Virgilia Gabby (14),
Mis Barbara Masir (16),
Mis Christete Gamoi (16).

Sapos sampela penpren i laik, orait, rait i kam long dispela adres.

Katolik Misin Mugil,
Viles Udisis,
P.O. Alexishhafen.
Not Kos Rot
Madang.

AIR PAPUA

Dia Edita - Mi laik autim wari bilong mi. Na wari bilong mi mi i go olsem. Na watpo ol i no raitim Air Papua antap long Air

Niugini. Mi bin lukim dispela wanpela nem Air Niugini i no luk gut. Na tu Air Niugini i go long narapela kantri ol i no lukim gut. Ol manmeri bilong narapela kantri bai longlong. Dispela Air Niugini i kam long wanem kantri.

Watpo nem Air Papua i no i stap. Olsem na i no luk save gut long kantri bilong yumi. Pes nem Papua na seken nem Niugini. Na ol liklik samting i kamap long Papua Niugini i gat nem na sain bilong en. Na ating dipatmen bilong Air o palamen haus. Yupela i mas traim na raitim Air Papua pes na bihain Air Niugini.

Na em tasol askim bilong mi. Na yu husat i no orait long pas bilong mi, yu rait tasol i go long Wantok Niuspepa. Bai mi ken lukim.

Marko Sakal,
Panguna/N.S.P.



LAIKIM POLIS HOLIM GAN

Dia Edita - Mi laik skruim tok bilong komisina bilong plis, William Tiden long Wantok Niuspepa bilong Sarere, 11/2/78.

Em i tok long givim gan long han bilong plis. Em i gutpela tru long wanem ol planti raskol man. Pulap tru long Papua Niugini. Ol biktaun i no save wari o pret long ol plis.

I gutpela tru long ol plis long holim gan na raun

long patrol duti bilong ol na ol raskol mas pret long wanem ol raskol i no liklik lain taim ol laik raun long siti. Ol man i planti moa long ol plis. Taim plis i laik arestim ol. Ol save banisim ol plis gut tru na plis i save kisim bagarap oltaim.

Em i gutpela sapos ol plis i kisim strongpela lo o oda bai ol i ranim gut wok bilong ol. Na olgeta man bai pret. Na yumi olgeta man bilong PNG bai yumi stap aninit long lo. Na gavman bilong yumi bai ranim gut wok long kantri bilong yumi bai kamap strong.

Em tasol liklik tingting bilong mi.

James Quiame,
Kebai/Simbu.

SIMBU BEKIM TOK

Dia Edita - Mi i gat liklik wari long pas bilong brata ya Michael Paura Yungo bilong Gembogl long Simbu Provins, long Wantok namba 4 Februari 1978.

Yes brata mi egensim dispela pas bilong yu long wanem yu bagarapim tru nem bilong ol pipel bilong mipela Simbu na pasin tumbuna bilong mipela.

Yes brata yu tok long pe bilong meri long Simbu em i no bilong nau tasol. Nogat tru. Em i bilong bipo yet i kam inap nau yumi kisim independens. Olsem na mi tokim yu ol bikman long Simbu ol i no inap tru long harim tok bilong yu. Mi yet mi wanpela bilong Simbu mi tokim yu.

Sapos yu i no gat samting bilong baim wanpela meri bilong yu, yu no ken rait nating long Wantok na daunim poin bilong ol pipel bilong Simbu. Nogut ol narapela pipel long narapela provins i lukim na bagarapim nem bilong ol Simbu pipel. Sapos yu i gat dispela wari, yu i go lukim Maun William Lokal

Gavman Kaunsil bilong yu. Bai ol inap long piksim wari bilong yu.

I no ken opim maus nating na kalapim planti tausen mail na i kam long nambis. Mi tokim yu stret, sapos yu lus tru long baim meri bilong yu, orait yu no ken rait nabaut. Yu sindaun nating dring kolwara wantaim kaukau bilong yu. Na i stap long pas bilong yu, yu tok olsem, ol pipel bilong Simbu i kostim meri olsem K3000, K4000 na K5000. Em yu kisim aidia long wanem hap tru bilong kostim olsem na tok olsem.

Mi wanpela Simbu stret mi stap hia long Vanimo na lukim dispela pas bilong yu na i no stret tru long mi. Yu no ken bulsit nabaut long Wantok nius na rait

Las yia 1977 mi kam long ples na mi baim meri bilong mi. Mi no baim K3000 K4000 o K5000. Mi baim long K500 tasol. Em i no bikpela mani mi baim meri bilong mi. Em i liklik tasol. Na tu dispela kain pasin bilong baim hamas samting long meri insait long Simbu. Em i stap aninit long pasin bilong tumbuna bilong ol Simbu pipel yet.

Brata sapos yu painim i hat long baim meri bilong yu, orait yu mas i go wok mani na baim meri bilong yu. I no ken sindaun as tasol long raitim pas. Nogut yu weslim taim bilong yu.

Em tasol. Sapos yu i gat wari moa yet, yu ken rait tasol long edita bai mi lukim. O sapos no gat i go lukim Lokal Gavman Kaunsil bilong yu bai ol i piksim yu. Tenkyu.

John Wainegau,
Vanimo.

TOK PLES SKUL NO MAS KISIM PE

Dia Edita - Mi laik bekim pas bilong man hia em

long Dudaiklo i bin wari, watpo gavman i no baim em long wok bilong em tokples tisa. Na mi tokim yu olsem tasol. Gavman i no inap long baim yu. Gavman i no bin makim yu long holim dispela wok. I no gat man long PNG i save kisim pe long wok tokples tisa. I no gat lo tru long dispela samting.

Mi laik askim yu gen olsem. Watpo yu bin rait i go long Wantok Niuspepa? Yu laik bai Wantok i baim yu? Wantok mobeta yu stap isi na i no ken rait nabaut. Stap kwait na lainim tokples.

Sapos yu kros tumas long toktok bilong mi. Yu go dring solwara na bai wari bilong yu i pinis. Em tasol.

Joseph Tomasi,
Buin/N.S.P.



KOMIK PAULIM OL

Dia Edita - Wari bilong mi i go olsem. Mi luk olsem yumi insait long PNG yumi i gat planti stilman o raskol. Yupela ting ol i no skul na i stap kanaka ol i save stil. Tasol mi ting dispela ol manki ol skul bipo o standet 6 drop aut. Ol i save i go long taun na lukim o kisim ol komik nabaut long uk stua long taun na ritim dispela komik na ol i save stil. Yupela i ting olsem wanem?

Mi ting bai yupela wokim wanpela skul o sampela kain wok na putim ol insait na ol mas i stap. Tingting bilong yupela i go olsem wanem orait bekim dispela pas bilong mi long Wantok niuspepa na mi lukim.

Pori Kumul,
Boroko.


stori tumbuna Watpo retpela raunwara

Longtaim bipo taim bilong tumbuna long hap oilong Erap i gat tupela ples i stap. Wanpela liklik ples em i antap na bikples em i daunbilu. Na taim ol manmeri bilong dispela tupela ples olgeta i go long gaden bilong ol, na i gat wanpela masalai snek em tanim olsem liklik manki na em i save i kam pilai wantaim. ol liklik manki bilong ples. Na em i lukim taim i apinun nau, em i save i go bek long ples bilong em na tanim yet yet olsem snek moran na slip i stap.

Taim ol bik manmeri i go bek long gaden, em i tanim em yet olsem liklik manki na i kam pilai wantaim ol liklik manki bilong ples. Em i mekim olsem inap planti taim pinis.

Na long wanpela de nau wanpela lapun meri em i stap wantaim ol tumbuna bilong em. Taim ol lain tumbuna bilong em ol i wok long pilai pilai na dispela masalai snek moran em tu em yet i tanim olsem liklik boi na i kam insait wantaim ol na pilai wantaim ol. Na lapun tumbuna em i lukim em i gat narapela pes na em i tingim olsem, dispela boi ya em pikinini bilong husat? Em i lukim em olsem na em i wok long lukluk strong long em.

Taim apinun nau, lapun meri i no lukim dispela boi



na em painim em na i lukim ol lain tumbuna bilong em tasol. Na em pes taim bilong em i lukim na em i no tok klia long ol sampela

bikman em yet i lukim na lusim.

Bihain long narapela de nau masalai snek em i kam bek na pilai wantaim ol liklik boi gen na lapun meri ya i lukim em nau na i tok; he, yu tasol yu trik-im mi. Nau mi save long yu. Long apinun ol bik manmeri i kam bek long gaden na em i tokim ol: "Taim yupela olgeta i go long gaden na wanpela masalai snek moran em i save i kam pilai wantaim ol lain pikinini bilong yupela." Lapun meri ya i tokim ol olsem na ol bik manmeri ol i belhat nogut tru.

Na wanpela de nau ol i pasim tok long kilim masalai. Na lapun meri ya i stapim ol na tok: "Yupela i no ken kilim em. Larim em i stap. Em olsem tumbuna bilong mi."

Tasol ol man i no bilip long tok bilong em. Ol i tokim lapun meri: "Yu blari lapun meri nating. Yu larim em, bai yu mekim

wanem long em?" Na lapun meri ya i kraim.

Nau ol i pasim tok long redim kaikai na kumu na wara na paiawut na wasim ol sospen nambaut. Redim pinis, nau wanpela bilong ol i sapim tamiok ston bilong em. Em i sapim i go na i sap nogut tru. Na em i traim katim wanpela rop, em i wan raun na i katim dispela rop.

Okei, nau ol redim olgeta samting pinis na ol singautim snek moran long i kam kaikai wantaim ol. Tasol snek i no bin save olsem ol i laik kilim em. Na tarangu lapun meri ya wantaim wanpela tumbuna na, em i wok long kraim tasol i stap. Taim ol i go tok save long en pinis, man bilong sapim tamiok ston em i putim wanpela hap diwai long dispela rot em i mas kam long en. Tasol masalai snek moran i no bin save olsem. Em i kam tasol na putim het bilong em antap long hap diwai na man ya i kirapim putim tamiok ston

bilong em, katim nek bilong snek.

Ol i kilim snek pinis na ol i katim liklik na ol i kukim wantaim kaikai long tin. Taim wara ya i boil na het bilong snek ya i no indai. Em i lukluk yet i stap. Na tarangu lapun meri ya tumbuna bilong em i kisim bel bilong snek na i go long wara na rausim bel bilong snek. Na wara i doti na em i tokim ol man: "Yupela, wara ya i doti tumas." Na ol sampela meri ol i tokim em: "Ol pik i digim graun long het bilong wara na wara i doti."

Tasol lapun wantaim tumbuna bilong em, tupela i save pinis. Na tupela i no laikim ol kaikai ol i kukim. Tudak liklik, nau snek moran em i kam na tokim tupela lapun na tumbuna bilong em: "Yutupela i no ken slip long hia. Yutupela wetim mi." Orait olgeta manmeri ol i save kaikai nambaut i kamap long (i go long pes 14)

WINIM MANI ISI TUMAS

PAINIM NA KISIM OLPELA TAIA I KAM
MIPELA DUNLOP I SAVE BAIM

DUNLOP

LAE: Aircorps Rot - klostu long maket

Mipela ORIM AGENCIES i tok
welkam long yu long Rabaul.

Mipela i papa bilong
ORIM'S LODGE
namba wan haus slip

Na mipela
i gat laisens.

Bet na brekpas
bilong yu = K8.50



Ring: 92.2277
de na nait



Dispela poto i soim 8-pela het Sista i bosim sampela bikpela lain Katolik Sista long Papua Niugini na Solomon Ailan. Ol i bin kibung long Bomana long mun Februeri.

Kirap long lephan, yu lukim: Sista Odilgard (MSC Sista long Rabaul), Sista Jacinta (Sista bilong Nasaret long Bougainville), Sista Terence ("Daughters of Our Lady of the Sacred Heart" Port Moresby), Sista Josepha (Sista bilong Roseri, Wewak), Sista Donasiana ("Daughters of Mary Immaculate," Honiara), Sista Gabriela (Sista bilong Sen Teresa, Madang), Sista Cecily ("Handmaids of our Lord", Waigani), Sista Joannita ("Daughters of Mary Immaculate", Rabaul).

Long kibung bilong ol, ol i bin autim tingting na pasim tok long dispela ol samting:

- a.) wokim sampela senta bilong trenim ol nupela sista
- b.) givim moa skul long ol nupela aidia na we bilong autim tok bilong Baibel na bilong rilisen na katekism
- c.) givim moa trening long ol olupela misineri
- d.) olkain Sista i mas bung wantaim long ol ritrit o taim sarap bilong ol.

STORI TUMBUNA

(i kam long pes 13)

ples. Nau snek ya i salim tupela i go long wanpela liklik maunten na i stap na lukluk. Taim tupela i lukluk yet, bikpela raunwara i kamap na kilim ol manmeri bilong dispela tupela ples.

Sapos yu go long hap bilong Erap na lukim, long liklik ples i gat raunwara i makim olsem snek i krun-gut nambaut. Na insait long raunwara i blak nogut tru. Na long namba tu ples we ol i kilim em, i retpela long wanem em blut bilong masalai snek i mekim na wara i kamap retpela. Sapos yu go long dispela hap ples na lukim, sampela snek i sotpela na i no gat het bilong em.

Nau long dispela taim yet dispela tupela raunwara ya i stap. Na ol i kolim nem bilong tupela raunwara ya i olsem Guankaya. Long tok ples em i min olsem, raunwara i pait.

Boni Nangudang,
Popondetta.

HAMAIJA NA WASWAS WARI

(i kam long pes 11)

bilong Hamaija tu. Dispela wok i bungim Hamaija klostu moa yet wantaim ol pipel bilong Yessan. Liklik taim i go pinis, nau Hamaija i save gut tru long tok ples bilong ol. Ol skulmanki i kam long skul na ol i prenim em. Hamaija i no man bilong kros na pait. Em oltaim i tok isi tasol. Na ol pipel i laikim em long dispela pasin. Em i helpim ol tu long wok bilong ol, long gaden, katim bus na olkain wok. Olsem em i kamap wanples bilong ol tru.

Hamaija i pren long wanpela man, na mama bilong dispela man hia nau i wasmama bilong Hamaija, em i givim kaikai long em. Hamaija i olsem pikinini bilong em. Hamaija oltaim helpim ol pipel.

KAMPANI MASTA

Wanpela de wanpela kampani masta bilong baim boi i kam long Yessan. Em i laik stilim sam-

pela yangpela man. Em i grisim ol, na papamama bilong ol dispela yangpela man i no save. Hamaija i no pret long kampani masta hia, em i painim em na i tok strong long em long ai bilong ol pipel. Dispela hap bilong bus bilong Sepik long dispela taim Gayman i pasim, na i no gat kampani masta i ken baim boi.

Hamaija i tokim masta hia: "Yu kam olsem stilman. Sapos yu kisim sampela yangpela man hia i go wantaim yu, bambai mi salim tok long kiap long Ambunti. Kampani masta hia i kros nogut long Hamaija na kolim em manki nating na buskanaka.



Tasol Hamaija i no pret long dispela kampani masta. Em i save wanem pasin i rong pasin i stret na em i tokaut, maski long man.

(Stori bai go moa neks taim.)

Pater J Tschauer, S.V.D.,
i tanim stori long tok Pisin.


Aveling Barford Pacific Pty. Ltd. For your civil engineering, agricultural and domestic machinery.

Graders
Weight range 11,000-19,000 kg
All Wheel Drive and Steer
Conventional
Leaning Wheel
Hydraulic Controls
Powered by Leyland or
G.M.
Powershift or Standard
Transmission



Front End Loaders
Bucket Sizes of 1.3 cu.
metres to 3.82 cu. metres
Pivot or rigid frame available
Logging Attachments

Rollers
Vibratory Rollers
Self-propelled or Towed
Hydrostatic Drive
Pivot Steer
Asphalt Conversion
Padfoot Roll



Head Office: Ume St., Gordon, Port Moresby,
P.O. Box 6457. Phone 257166. Telex 22206.
Lae Depot: Morobe Ave, P.O. Box 1191, Lae.
Phone 424188. Telex 42411.

PAIT INSAIT LONG KEM

(Namba 12: 11 - 14:10.)

Miriam na Eron tupela i jeles na i tok baksait long Moses. God i pasim maus bilong tupela na i tok em i bin makim Moses wanpela i lida bilong Isrel. Orait nau God i strafim Miriam na i givim sik lepra long em.



O tarangu, watpo mi tok baksait long Moses? Helpim mi, nau Moses.

Moses, mitupela i mekim rong. Tasol yu no ken bagarapim susa bilong yu.

I no mi. Em God i mekim na em tasol inap long ken bagarapim stretrim sik bilong em.

O God Papa, stretrim sik bilong em.


Long namba 7 de, Miriam i kam bek na Eron olsem bikpris i tekewe tambu bilong em.

Mi tu. Yumi no ken traim save bilong God gen.

Eron, mi kisim save pinis.



Sik bilong Miriam i orait gen, tasol em i tambu long kam insait long kem inap 7-pela de.



Moses i singautim lida bilong wan wan lain pipel na i putim kibung.

Mipela i stap klostu nau long Kantri Kenan, em dispela kantri God i bin promisim long yumi. Mipela i mas salim sampela man i go pas na lukim pastaim.


Orait. Yu ting wanem?



Josua, mipela i mas go patrol long dispela kantri. Hamas pipel stap? Ol i wanem kain? Mipela mas brukim hamas wara? Ol biktaun bilong ol i gat bikbanis nabaut long ol?

I orait, wan wan man hia i ken go olsem spai na skaut. Nau tasol mipela i ken i go.

Tulait i kamap na ol spai i kirap i go long narapela narapela hap bilong kantri.



Man, lukim biktaun ya.

Na lukim bikbanis bilong en.



Used by permission of the David C. Cook Foundation. Copyright 1973. David C. Cook Publishing Co. All rights reserved.



I no longwe long ol

Olaboi, draipela pipel tru.

Ol man bilong mipela i no inap long ol... Ol i bikpela na strongpela tumas

Na long narapela ples... Josua, dispela graun i gat planti gris, lukim pikinini bilong rop wain ya.

Ol skaut i kam bek na kem i amamas moa yet

Yesa, Keleb. Yumi go bek tokim Moses.

Olaboi, lukim ol pikinini bilong rop wain. Mi ting long Isip tasol.



Ol arapela skaut i ripot tu long Moses

Em i gutpela kantri tru, ol samting i kamap gutpela tru.

Tasol ol man i longpela bun tru na ol taun i gat bikpela banis nabaut long ol. Mipela i no inap wainim ol...



Yumi go pait wantaim ol.

God i ken helpim mipela win.

Tasol ol arapela 10-pela skaut i egens long Josua na Keleb

Nogat tru. Ol i longpela bun na mipela olsem grasop tasol.

Ol inap pinisim mipela olgeta na stilim ol meri pikinini bilong mipela.



Mipela i no inap stap hia. Na mipela i no inap go long kantri Kenan. Bai mipela mekim wanem?

Mi tok yumi go bek long Isip.



God yet i bringim mipela i kam hia. Em inap helpim mipela long winim dispela kantri em i promisim mipela pinis....

Oisem wanem? Yupela i no gat strong? Yupela i no gat bilip?


I gat wanpela we tasol bilong pinisim tok bilong Josua.



Tasol husat i ken save?

SPIT NA SPAK I KILIM MAN

LUKIM GUT DISPELA POTO OL PLISMAN I KISIM



NOGUT NEKS TAIM EM I YU TASOL